



Siverth K. Heilmann

30. April 2019
UPA 2019/109-1

Tamanut ammasumik tusarniaanerni ammanerunissap qulakkeerneqarnissaanik Naalakkersuisut peqquneqarnissaannik Inatsisartuni aalajangiiffigisassatut siunnersuut. Minnerpaamik tusarniaanernut najoqququtassanik tamanit pissarsisinnaanissaat qulakkeerneqassaaq.

(Inatsisartuni ilaasortaq Múte Bourup Egede, Inuit Ataqatigiit)

Siunnersuuteqartoq ilumoorpoq, Nunatsinni inatsisiliornikkut allaffissornikkullu ingerlataqartugut, inatsisiliortoqartillugulu susassaqartut tusarniarneqartartut.

Atassut-mit paasiumpaatsipparput sooq una aalajangiiffigisassatut siunnersuut oqallisigineqassanersoq, tassami kommuune-ni inatsisartuni Naalakkersuisuniluunniit annertuumik allanguiniartoqartillugu nutaaliortoqarniartilluguluunniit innuttaasunut sap akunneri arlalinni, naqitanngorlugu paasissutissiisarnerit tusarniaasarnerillu pisussaaffioreermata.

Suliffinnik annertuunik pilersitsiniarnerni matusiniarnerniluunniit siunniussaqartoqarsimatillugu, qinikkani pisussaaffiuvoq, illoqarfinni nunaqarfinniluunniit piffinni innuttaasut malinnaatissallugit. Suliaq politikkerinik namminneq pilersitaanersoq avataaniilluunniit aningaasaliinerit annertuut pilersinniarneqarnerini, politikkikkullu aalajangertoqartinnagu, tusarniaanerit ilaatigut sivisuumik ingerlasarsinnaanera tamatta nalunngilluinnarpalput.

Kommuune-mi inatsisartunilu inatsisiliagut allanngortinneqarsinnaajuaannarpalput. Qinikkat ilaanniik, assersuutigalugu aatsitassarsiornerup iluani, misissueqqaarnissamik aalajangersimaneq sulilu Naalakkersuisunut piaanissamik qinnuteqaaammik tigusaqartoqarsimanngikkaluartoq, innuttaasunut toqqisisimajunnaartitsinerit qassnimmita oqaluttarfik una ataqqinarnersaattut taasagarput, akerliuniarfissatut sunniiniarfissatullu atorneqartarpa.

Atassut-ip innuttaasut tusaaneqarnissaat qanimullu malinnaatinneqarnissaat ataqqisarilluinnarpaa, taamaattorli qulaani uparuaatigut tunngavigalugit akuersaaruminaatseqaarpalput, tusarniaasarnissamik piumasaqaatit malitsinneqaraluartut, nammineq partiimut iluaquitissatut qinersisartunut sakkugineqarluni oqaluttarfik ersisaarutitut nipeqartitsisoqartarnera.

Naalakkersuisut salloqquaanngillat paasissutissiinissarlu eqqortoq piumasaqaataalluni. Atassut-miit tamanut atuutilernissaa siunertalarlugu inatsisartuni aalajangiiffigitinnissaa eqqarsaatigaarpalput.



Atassut-ip arajutsisimangilluinnarpaa, kattuffiit Pinngortitaq pillugu nunarsuaq tamakkerlugu suliniaqatigiiffiittut suliniuteqartut il il ataqqilluinnarlugit, tamakkupput aamma Nunatsinni pinngortitap uumasuinullu ilisimasakinneq pissutigalugu, oqallinnermut equngasumik pilersitsisartut. Assersuitissaqarnersunga aperisoqassappat, ilaana Atassut-ip oqaaseqartuatuut taamaaliorumaarpunga.

Landsråd-imiik Inatsisartunut ikaarsaarnermiit manna tikillugu, qanoq amerlatigisunik, innuttaasut peqataatinneqarlutik tusarniarneqartarsimanerinik oqallittarsimanersullunniit aperisoqarpat, Atassut-miit akissutissaq qularutiginngilarput, qinigaaffinni Naalakkersuisuusartut nikerartuartut peqataatitsisarnerat sukumiisumik kommuune-nilu amerlaqisunik aalluttarsimassagaat.

Taamatut oqaaseqarluta, Atassut-ip aalajangiiffisassatut siunnersuut tapersinngilarput.

Qujanaq.